

水仙亭詞集

瑞安南埭項氏釐書



8
1
0

水仙亭詞集二卷



瑞安項氏遺書
族姪曾孫廷珍署

先王母城南項氏先考元配又先王母姪也故項氏於
衣言爲舅家先世故饒於貲而藏書甚富舅氏三人皆
好學能文詞伯舅雁湖先生早歲棄科舉獨喜爲詩新
穎精到超出流俗所著詩曰且甌集今郡邑人皆傳誦
之叔舅茗垞先生亦不涉場屋所著詩曰耕讀亭集格
韻亞於且甌季舅几山先生舉道光壬午鄉試十上春
官不第尤嗜學治古文詞兼通厯算方術家言上元梅
郎中曾亮仁和邵舍人懿辰巴陵吳學博敏樹以古文
名皆與季舅善而獨無成書衣言嘗蒐其遺文寥寥數

水仙亭詞集

卷序

一

十篇然皆雅潔有家法諸舅氏家居皆深居自愛不輕
與邑人士接雖衣言亦不能時見獨季舅以屢試至京
師得親炙其議論風采醜篤君子也間嘗問以諸弟輩
孰爲好學季舅默然久之旣而歎曰從子字芝石者頗
善爲倚聲旣而復曰詞雖小道然果能精之未嘗不佳
蓋以我郡人皆不善爲詞也衣言常心識之今年春初
表姪方蒨持一小帙來以見示屬爲之序則芝石所作
癸辛詞也已授梓矣予在京師時年二十三亦嘗學
爲詞以示友人四明姚燮梅伯梅伯笑曰子木心石腸

何必學爲此徒妨他業耳予自是絕不敢爲詞忽忽四十年矣然每讀蘇子瞻張千湖陳同甫諸家之作豪情逸興相去千餘年而其傲睨一世之概如在目前竊謂詞固未可輕且亦何必定作兒女子語耶因是復爲小詞數闋以爲娛戲然終以用心不耐曲折不數月復棄去矣今觀芝石所作沈着痛快亦非瑣瑣步趨秦柳者至其取材富贍修詞藻雅則沾溉於諸父之教有自來也因謂方舊曰吾永嘉自盧蒲仁趙西里後此調寂寞五百年矣乃今復見此作若輩年少才華方盛奈何不水仙亭詞集

卷序

二

努力耶遂稍爲校訂書數語以還之光緒丙戌八月遜學老人孫衣言書於邵嶼厲廬時年七十有二

水仙亭詞集卷一

瑞安 項 瑣



木蘭花

綠窗送曙銅壺寂撥麝香濃微度幕怕寒鷓鴣喚人醒
短夢驚殘何處覓 鴉雲斜墜亭亭立纖玉攜鬟無氣
力東風一夜雪痕消獨有梅梢消未得

前調

一枝紅杏鶯先見暖到屏山簾喚卷寶環未解惹春愁
帶露晨葩臨鏡換 羅巾輒拭妝痕淺屢響迴廊行悄
水仙亭詞集 卷一
一
遍鶯絲吹墮罵天風冑碎海棠紅一片

前調

盤池暖漲萍痕淺玉鬢無人飛絮轉遊絲有意繫輕晴
過卻踏青無別恨 妝餘鬪草衣嫌緩貼體鮫綃微搵
汗銅鑲院院掩殘紅露出鞦韆春又半

十二郎 臘夜祀竈

脂花雪膩倩誰把郭公留住記美婦嬌孫輦來仙眷恁
負觚隅相護舊事黃羊今似醉否忙喚問瓣香添炷看
豆顆勻沙粉尖堆玉祝伊傳炬 知許杓長杓短劔童

應怨悄乞向黃靈邀來利市風馬雲車少駐仙果安排
佛泉供養戀戀芻龍送去河影轉聽取分錫刺棗剪燈
人語

念奴嬌 家園有水仙數十本顏色顛顛憚之以詞

鉛華洗盡愛湘娥微步霓裳時舞一黛疑峯空目渺姊
妹年年誰主曆暈黃嬌裙拖翠沁背訴江皋侶風鬟綽
約玉肩相倚無語憐恁嬾嬾盈盈啼妝半面僂僂今
如許說與解環芳信息又恐凌波飛去金縷香消薛郎
愁伴待倩芭籬護園舊有杜丹謝娘休插雪腮伊占清嫵

水仙亭詞集

卷一

二

鵲橋仙 將赴夏河泊西關

櫓聲一片帆陰一角客裏愁腸初染晴川冷浸暮天霞
看十里波紋如簟沙頭明月灘頭飛雪後夜扁舟愁
纜秋江人靜待潮生只逢背二三鴉點

臺城路 季父北上餞別

東風吹到梅梢晚江南暮寒新換驛路三千韶光九十
吉信寄憑雙燕蝸爭漫羨看驢背青氈盡邊黃卷樹倒
芳罇黑貂塵較去年淺京華未許夢斷更無心杜宇
添甚淒怨眼裏春暉鞭頭草色都觸遊人愁恨征袍怕

滿
燃是密密縫伊曩時針線祖母卒服初闋料到燕臺馬頭飛絮

念奴嬌 房櫺上有四彩綃美人爲拂塵誤碎其一

瑤階綠萼甚細心熨貼惜紅情婉愁恁女兒憐意懶
條地黛零脂斷遮莫嬌嬌畫眉人遠惹得珠孃恨石家妝
碎落紅金谷猶戀 還問懊惱雲篝小姑拚豔三婦
深淺下九銀牆圖樣剪消息阿蠻初面粉影年年化身
夜夜色界應尋遍眞眞何在幾回屏隙低喚

前調

水仙亭詞集

卷一

三

避風臺鎖黯靈芸吹去鬣鬟飄亂綺國魂香秋不返留
住啼紅巾片繫足三生纏頭一幅轉眼何眞幻玉環塵
土舊容秦虢誰伴 說甚前夢裁煙綠華消損半褶鮫
痕輒切到飛瓊郎莫護羞對綵雲仙眷綃淚鵲知練裙
蝶似也待摹癡怨黃奴淒藐却曾深掩綾幔

玲瓏四犯 鳶燈

一縷罡風漸提到青冥燈暈紅小烏魄西沉呼共縞衣
扶好那信製乞輪卿恁狡獪別添新巧莫飛瓊暗暗舞霓
裳懸送九微高照 翼痕絲影誰看了颺光圓霧籠雲

翠雙成駕鶴朝仙闕蓮炬歸迎早休道月盡還愁讓盈
抱夜珠晶皎只幾人誤伫孤星迥耀洞天難曉

花心動

小立欄干數烟梢遊絲弄風低裊寒盡畫屏漏斷銅壺
簾影漾吹波悄東君欲喚羣芳覺倩鶯舌一聲傳列八
無奈緜紅幾許蝶縈蜂鬧晴館舊痕徧掃又青轉池
苔碧侵階草宿酒半消一片新愁還問近來多少棠魂
嬌睡知回未恨庭綠迎春偏早待瓊管催將玉桃放好

一剪梅

與董又霞同行期宿栢嶺不至

水仙亭詞集

卷一

四

棲鳥聲聲上下聞岫宿歸雲嶺宿斜曛烟迴合徑無
痕前去孤村後望孤村莫是桃源苦滯君酒錯重醺
袂錯輕分林端鉤月早消魂天近黃昏人立黃昏

尾犯

筍用黑蝶齋韻

雌梢戰雨聽綠陰謝豹一聲初度夜來驚逗乍駢還茁
攢生纔伍玉蚪織嫩好勤囑園丁護嘉苔階饑饑森森
看頭角露無數探踏上番成處萬簪新又如許忍芳
心幾寸鏤切鸞刀薑芽同煮礪戶薰風參差吹緊鬪伊
休誤問天目裝束筠籃可挑到瓜州步

前調

鴉鋤春雨早春芽先後
剗煙人度燕雛將到豹文兕角
畦陰參伍貓頭迸瘦
呪束束織苞護趁宵雷掃卻籬根
籜龍起繭頻數憶到山家
供處配來香梗些許算渭
川千畝贏得清饒孟光催煮玉版仍參錦綉罷脫齋期
愁誤惹詩思風味南園
筍鞵清曉重步

夢橫塘

薄暮至靈隱寺

香厨分茗貝葉繙書斷蟬吟住涼氣羅蔬金英蘸寶露
盈盈秋意石殿幢高紺圍門掩夕陽幽翳甚禪情白傅

水仙亭詞集

卷一

五

孤靄秋心和幡影清如水邀來共緝荷衣莫天邊桂
子帶月飄墜颯颯松颺驚鳥夢塔鈴聲碎更傳到零鐘
一角送暝寒鴉起空翠恨對南屏五亭歸路暮煙淺深
裏

四犯剪梅花

花綉

巧樣模棱笑如珪較好色絲深淺緊緊秋羅怕裁雲輕
輓鮫紋幅剪恰圍束藕心聰幻一片空明翠綃吹墮玉
流平展摩挲笑鉤心鬪角抱來平乳菽玉纖擊倦屈
曲玲瓏幾紅窗添綠雙鴛刺慣記昨夜停鍼纔半刀尺

零星伴伊收拾莫露香汗

綺羅香 春陰

雨雲低閣煙寒薄催柳養花時候貼軟塵絲和潤緩
消鑪獸疊衲脆梨醞醒輕曲篝淺蕉衫涼透約尋芳殘
醉重扶翠鈿羅韞定來否南枝無奈影瘦是處樓臺
如畫欲描難逗水閣紗窗幾度謝娘停繡更王孫怯過
長亭暗綠外板橋依舊聽懨懨靜晝鶯啼一春添傷倦

前調

鬪草階寒送鞦架暝是霧是烟分半曉房悄悄睡眼醒

水仙亭詞集

卷一

六

來還倦釀蜜闌金井衙蜂啄泥懶畫梁巢燕未黃昏那
角朱樓簾旌低掩恁慵捲封姨情味苦厭乞護嬌棠
接損綠章緘徧彷彿疎櫂錯認西家庭院映玉欄隔水
分明只一樹小桃紅滿卻愁他暗換韶光月華將弄晚
風入松 夜泊吳興駱駝橋外聞賽會鼓吹聲

玉簫吹破暮寒纖暗麝透清嚴攬紅扶翠紛年少料吳
姬此夕瓶添聽徹笙歌遠近星橋只隔霜匳畫船午
夜斷瓊籤心事繞青帘湖水盈盈闌笑窺人一角涼蟾
夢逐兩行銀樹齊裝十二珠簾

臨江仙 富陽城樓小憩

蘆浦微茫霞影逗翠螺橫浸寒流危欄一角夕陽留雲
帆天外掛著幾多愁 迴岸不知潮已退市聲先到江
頭雁風吹暝入南樓蒼煙橫處孤鳥落巖州

桂枝香 椒櫬

芋原沿樹羨百尺南枝稜膚無數翠顆森森滴透炎天
秋露紅鹽灑處西風夕趁閩奴撲青攜去船帆如葉筠
籠緘到瘴煙蠻雨 昨分贈珠娘瓶貯省筵半醒深枕
邊喉苦尖碾兩頭甌茗玉蕊點取華池冰液初含受看
水仙亭詞集 卷一 七

翠樓吟 蛸笛

蛙鼓喧邊蟲車緯外淒淒土龍吟細爲誰抽怨調憐無
限迴腸孤吹廊陰停屣繞剝紺苔牆衣青莎砌庭深閉
泣煙幽緒絮涼天氣 夕霽絲渺愁予抱酸心一管餘
音徐曳連宵添宛轉憶歌女小名翻寄龜茲何似較入
破飛聲雕欄偷記哀音碎豆么填入落梅風裏

消息 春草

翠陌粘空畫樓織暝幽鳩聲小桃葉湖邊新潮拍岸一

色迷清曉西園門鎖滿天棊潤愁影萋萋分到記來時
蒼茫野燒欲認春痕還少 碧油車鈿臙脂鞦韆佳約
杜韋遊好郵亭十二玉關何處人住長安老闌干近暮
桃花風裏點地落紅愁掃更蕭娘匳邊綠鬢幾莖翠繞

前調

底事東君夢魂吹醒池草無數黯絕王孫青袍踏遍寒
食裙腰路小蠻門外要離墓口亂送夕陽歸去數前朝
樓臺四百淒盡淡煙疏雨 蘭成顛顛江南哀斷那更
蕪城誰主阜茨橋邊青楊巷口幾曲鶯花部鞦韆架圯

水仙亭詞集

卷一

八

第三坊掩金粉年年何處甚銷魂黃昏響到一聲杜宇

浣溪紗

曉帳流蘇睡起遲綠瓶新水浸琉璃兩三金尾小魚兒
檀几一絨紅藥譜綾屏六幅墨梅詩玉笙寒澀不成

吹

過秦樓

初夏滯雨

九點梅黃葉喧蕉綠惹碎惜花心事清明過了一片冥
濛亂趁鷓鴣飛墜回卮十二闌干薄薄衫羅倩誰同倚
帳瑤天此夕瓊簫不倩素蛾扶起 難禁受浙瀝輕風

春醒未醒做弄晚秋天氣池塘斷鳩庭院私墓欲訴暮
寒如水前約西園問伊壓架薔薇銷殘詩意更尋芳舊
夢只在青苔巷裏

望湘人 花魂

兀巫痕一縷無主自憐斷蓬飄梗悲盪著浣苔衣牽黏
絮網兩地零顏淒向漂泊冥迷彩雲不返人間天上最
斷腸寒食黃陵歲歲年年堆葬 怱絕隨波逐浪情荒
簾廢井青來飛傍只小草紅心解貼嬾情嬌樣封姨檄
到昨宵愁想姊妹鉛華無恙雲兩兩驚睡烏衣剪掠枝

水仙亭詞集

卷一

九

鈴微響

前調

恁沉沉渺渺酸楚那番數聲啼鳩孤哽夙帶悲離前根
泣冷片塚誰澆杯茗金谷沉脂嵬坡瘞襪三生幽證邈
寂寥敗素殘豔底分鴻泥同盟 莫訴蘭香薄命也空
花脫卻綺緣纔省覓青子陰中還認來時巾影因春嫁
與伴春留定死願殉春休並更慘慘悶悶昏昏一抹斜
陽拋暝

前調

怎東君簸弄穠艷羽塵問儂苗蕾何似冷落難禁飄零
那底暮暮朝朝門閉露淚偷啼月靈孤弔春痕如洗正
銷盡香國姻緣無奈愁鵲催委 待向梨雲喚起寫三
分嬌嬾十分憔悴信幻現仙姿容易紫朋奄豎輕陰一
片夢邊吹碎未了悵悵心事算狼藉只恨朱旂錯怨青
溪流水

前調

懊情絲不管撩亂路旁者邊淒斷風信馥逝肌寒紅消
白困一種幽癡摧殞小板橋西霞綃瘦謝何人來問盼
水仙亭詞集 卷一 十
阮郎歸隔蓬山誰認從前金粉 何許深涼妬緊爇銷
凝依黯冷煙埋陣莫結果殘容還謝燕泥銜盡韶華幾
刻芳心幾寸苦戀蝶愁蜂訊怯猛雨五夜縱橫又是黃
昏時近

浣溪紗

淺碧羅雲暈縷霞參差樓閣綠楊遮月痕黃淡一鈎斜
網戶掠飛歸乳燕漲池新浴亂嬌鴉粉牆紅壓紫薇
花

一斛珠

一行書到題緘忙認平安報經年小住江陵道卻恨金錢卜得心顛倒涼蛩井鴛聲聲老雲屏掩覺西風掃征衣燈畔重縫好昨歲寒遲今歲寒翻早

眞珠簾

重陽後至吳門名區勝景未及遍覽因事還鄉感而賦此

蘼湖初度蘭橈曉喚桃根索買菱黃菱紫鄉思倦還緘被邃風吹碎十二虹橋明月夜卻捲到珠簾第幾含意問吳宮煙草到吟邊未無計笑謝黃花偏細說吳淞蟹肥鱸美襟上酒痕深乍夢儂都記空葉不將秋色駐秋更入敗荷聲裏憐否只階前紅萼誤伊嬌媚

水仙亭詞集

卷一

十一

秋霽

瓦松

鷓鴣吟摧邊問昨葉何來長徧秋色壁古蕘荒危根織寄西陵鬢夢曾憶昔邪非昔霜華漠漠凝如織況幾尺垣荔石苔釵影伴孤寂魏臺銅爵荷殿金鴛莫待銷魂廢簷頽壁早年年未央落照昭陽夜雨換愁碧一點墮螢棲暗夕苦心還有弔伊冷月黃昏北邙殘壟斷腸禁得

眞珠簾

石枰

離斜馬目橫紋繞井闌邊寂閉林亭幽悄坐隱託支頤

待碧梧陰到墜子聲低人不見只冷眼蜻蜓偷蘸涼哨
記一局羊曇舊苔曾掃 還領橋裏閒心恰柳北花南
日殘煙曉晝永幾番消算劫餘誰了下卻枯碁三百後
讓竹影篩金碎達人渺更落葉西風滿隘吹老

百字令

閱蘊篋閣詩卽用其舊題四闕
古墓

魚鐙脂黯又年年寒食斜陽無主半陌紙錢吹不到誰
唱鮑家詩句石馬嘶風野狐拜月老卻棠梨樹旋風蕭
瑟鬼車深夜相語 多少劫火園林珠兒玉雁難寫傷
心處翁仲無顏碑淚斷情有青燐飛度華屋瓊簫朱門
水仙亭詞集 卷一 十一

寶鈿零落銷魂否劉伶千古一杯空醉墳土

前調

古井

景陽宮殿嘆臙脂遺事長安碁局露苑細桃飄泊後舊
瑤苔鋪烏浴玉螿摧殘金瓶引斷愁恨憑伊續不波圓
鏡輓轡曾轉寒玉 別有尺五銀牀西風昨夜吹浸梧
桐綠句漏瓢空爐火碧磨洗丹砂千斛冷印星文小窺
天影笑并華慵掬鐵闌消蝕抱珠龍未眠足

前調

古宮

翠恩塵掩問前朝太液芙蓉紅謝煙草黃昏啼鷓苦暗

上姑蘇臺洲香徑留釵浣池漂紅誰送西施嫁金蓮步
杏六朝丹碧如畫 那更三月咸陽阿房星炬焦土悲
蘭麝終古還樓脂粉地夜夜苑螢高下石闕駝荒珠箏
烏碎夢雨還飄瓦前頭鸚鵡有人青鎖愁話

前調 古壘

叢祠鼙鼓指衝梯夜火燒餘殘壁劒招靈靈返否嘯
土青鋒三尺怪犬尋腥饑烏祭骨戰血痕花碧驚蓬齊
轉胡笳鷓鴣外吹寂 何代逐虜陰山葡萄醉飲壓陣頽
雲黑百二營連環鹿角掃斷狼煙孤直廢竈塵沙荒城
水仙亭詞集 卷一 三

斜照瘦馬長留客將軍猿臂掛弓憑弔頭白

浪陶沙 自蘭谿泝永康

野色界村家亂入槎枒鱗柔偏閣幾棧沙夕照淺深紅
樹杪遮斷金華 楓葉護歸艇淺水棲鴉荒林低壓落
帆斜一抹炊煙三兩艇人語蘆花

前調

片雨灑鷗邊港斷波連半篙新碧長溪煙水蓼牽風寒
緊上白鷺鷺肩 藍影倒尊前烏帽翩翩滿江霜相點
晴川欠箇紅橋橫渡處酒旆漁船

聲聲慢

杭州有謫名叫哥哥小司第唱余買其一構以隨行

爲誰低喚喚徹黃昏零星還和鳴蛩青鬢章郎無聊客
裏相逢愁惹頻年秋思又疎聲颯到梧桐鉅影畔囓豆
花添餽斜眼筠籠一霎天涯散羽甚啼鴉弔蟪酸楚
關儂羞澀金錢鈿奴未聘蠻紅憐渠綠衣么小訴多情
如怨東東端可也儘東船西舫聽水聽風

前調

擘香屏小枇扇門深籠衫甚處雲篔短夢闌珊清冷淒
斷還幽梅綃帳煙三面耐函邊多少孤愁愁蕩漾問金

水仙亭詞集

卷一

十四

風玉露越角吳頭憶到邵陵園畔恰銀河澹澹花映
牽牛一角亭臺水窗弦月如鉤殘宵豆棚絡緯弄機絲
軋軋涼秋卿許否伴家籬寒蟀添寫腸柔

玲瓏四犯

藕絲

豔褪西風早十六坡邊纖玉深妬折遍荷筒肯種香
情緒便教離却青泥總惹著惹愁蓮苦笑吳姬欲剪翻
停幾度并刀憐護綠房青子誰將去抱柔腸自來縈
住淚鉛冷逐鴛鴦恨死恨紅衣飄舞休羨並蒂連根羸
得秋絲千縷莫翠莖吹斷前夢好還牽汝

絳都春 永嘉觀水嬉

蒲香藕暖恰宛轉鏡橋芙蓉平剪繡楫鬧枝亞鏤臨春
煙邊見龍笙十二呼涼淺避五月鮫珠寒濺鳳么仙眷
桃根護到水晶簾捲 匳半樊川杜牧醉魂暗亂擲石
榴裙畔燕珀墜釵七里香雲遮紈扇紗窗隔柳誰嬌喚
喚碧玉盤鴉相伴明朝駕棹橫塘畫舫休緩

玉京謠

伏盡之夕
饑夏

秋意瑟然挑燈起坐拈此調以

尊額無多暑遂外吹來灑滴荷邊雨碎玉簷牙零星催
夢低訴畫扇紈休賀新涼問一半年光何處怱怱去篝

水仙亭詞集

卷一

五

唇黯似春闌情緒 庭莎溼怕妨羅步颺銀缸又隔簾
風縷河絡西垂秋痕衫薄愁護誤箇人雙屣迴廊又一
葉帶螢吹度籬根稜聽啣啣零蛩語

水仙亭詞集卷二

瑞安 項 瓚 禮 瑤

綠意萍

茵痕鏡隔看綠池淡沱吹皺春色流水三條汎盡生涯
浮絲圓點仍織絮塵莫問前根蒂恐暗向東風淒憶甚
斷蓬散影零星昨夜亂添愁碧 休認湘妃翠鈿弱莖
界畫幟紋破無力逐浪漂煙舊夢江鄉記是兼南菱北
還憐一片霖鈴緊又苦怨碎紅難覓卻賸餘冷露零鷗
暗說相逢蹤跡

水仙亭詞集

卷二

綺羅香

深秋滯雨用梅溪詞韻

苦竹欹頭叢荷倒畔半灑吳娘庭院怯近重陽爭奈滿
城暈亂砌苔瘦圓暈蒼深井梧老點翻黃淺耐愁他千
里冥途烏衣歸度海天燕 荒波添到野水還又潮帆
信息茫穿空眼一帶寒雲送墜兩行哀雁蕭颯傍籬網
聲疎急陣聽苑牆涼短莫宵闌滴入西窗冷衾孤夢斷

前調

斷續空絲零星碎響暗背簾陰吹去曲曲屏山入夜促
縫衫縷釭燼重燈壁留寒蚪壺漏箭天難曙逗殘聲寂

發無人階莎低覆冷蛩訴 江鄉多少倦客更被西風

攬送黃昏昏砧杵黯絕長門誰伴玉人淒苦愁溼住瘦蝶

眠邊又洄飄暗螢棲處早煙廊拆盡朱幡畫檐鈴自語

滿江紅 調岳墳用武穆原韻

九曲祠荒斗牛上沈寃未歇裂眦問莫須三字可酬出
烈筆策悲吹沙漠路袈裟泣拜經幢月剩棲霞西畔法
王家晨鐘切 煙外樹峯頭雪孤鳥去斜陽滅憶銀瓶
前事唾壺歌缺石獸蹄還敲迸火銅人背恨鞭無血黯
離離衰草舊臨安殘宮闕

水仙亭詞集

卷二

二

前調

第一山前問業案何時銷歇摩莎處薜碑青字弔憑英
烈鐵縷秋沉泥馬渡金牌夜夢黃龍月底白頭有客在
驢鞍空淒切 東窗憤還誰雪南枝恨終難滅算千年
鐘室墮甌同缺二帝無靈駝濺淚六陵有樹鶻啼血嘆
臯亭風雨岳家旗悲天闕

賀新涼 大禹陵

石馬銅仙古謁龍顏當年櫟躋頽容如許劒壁陰囊寒
不掃莫是琅章緘貯恰籐杖天風扶住欲鑿神關窺委

宛恐童章下攝庚辰怒藏玉版百靈護 崑崙蒼翠迷
煙霧愁數到荆湖遺烏攀髯難駐埋血千年應化碧落
日黃熊啼苦算漢寢秦陵何處底事衣冠遺祀地閉金
鳧長與鍾山固虔拜手藝香炷

前調

蕙苒剗靈後問臨洮瑤編銀簡黑風誰授癸甲呱兒綳
錦裏愁損塗山眉秀恨縣渺元夷歸又兵燹彈丸留窅
石漫銷磨漢史摩莎手蝌蚪篆斷文黝 神州終古悲
南狩弔一樣玉魚金盃九疑青陵籛鼎嘯碑埋隱處紺
水仙亭詞集 卷二 三
薛龜趺封透莫更點梅梁睛舊鐵鎖千尋沈剝盡怕陰
祠風雨蛟龍走田萬壤烏耘久

摸魚兒

曉發吳江

聽深宵半篙纖雨綠篷嬌印紅濕漪痕透纜風蒲輓棹
穀往來如織天卯拭暈百摺倒浸晴霞滴綃紋數尺早
靄渚分螺畫灘呼鳴人影曙煙隔 雙鳧去憑問江南
信息蘋香芙蓉翠難覓千金待買蓮娃小唱徹酒邊孤寂
還幾日拚一舸詩筒茶竈邀秋色鷗南鷺北更芡沒菱
湖鰕燈蟹斲占盡水荇碧

望湘人 咏二分明月

帳雲羅掃碧眉淺黛深玉鉤無賴千古下九新愁初三
舊暈幾分團圞期誤夢鏡番番錦帆波渺繁華流去問
竹西廿四橋頭黯淡笙歌何許 者樣蟾輝前度有迴
腸侶繞痕沉纖兔甚些瘦姮娥一角羽裳羞護銀牆翠
鵲索丁甯也喚起吳郎雙斧待廣寒午夜修成整看瓊

臺瑤宇

高陽臺

自初夏及秋爽竹桃盛放

絳露輕蕙緋霞綻注抱來勁骨珊珊修到三生此君嫁

水仙亭詞集

卷二

四

與應難飄零未了臙脂恨誓今番耐久相看算芳卿玉
立綃含兩意同歡 還愁弱體欺紅雨緊挽伊翠袖却
伴秋寒死倚貞姿謝他鶯燕心酸嬌盈苦憶春風面偷
背人湘淚闌干喚劉郎倘訪仙源敲遍琅玕

齊天樂

葡萄

蟠桃宴醉蒼虬遁青霞帳中催醒磊磊九頰星星血紫
索索摩尼掌淨鮫珠亂迸更馬乳纍斜兔睛懸迥灑墨
安期赤籐吹墮萬年影 靈槎銀海泛到匹寒香苜蓿
仙種移竝瘴嶺楊奴蠻江荔子讓此酥醑團孕朝華浸

井笑渴露金莖乞殘雲頂十斛涼州肯拚霜釀冷

前調

玲瓏小架新油碧參差亘來霄半控土根皴捎簷蔓古
錯落臨除陰亂勾藍喚伴恰梯影欹斜倩人扶畔紺袖
分香綠雲深處響雙剪南庭瓔珞萬渾昨酸青的揀
叉手涎徧露蜜甜斟炎漿顆熟圓摘水秤晶偷嚙來禽
未嬾縱櫻網頻牽護伊還短好待春三穗花枝上滿

解連環 午夢

暖風晴曳正晝長鶯嬾畫屏慵倚引手支一角紅猱卻

水仙亭詞集

卷二

五

信掩紗幘篔紋如水困眼朦朧鷦燕蹴簾鉤聲細漸芳
魂蕩共玉鬢楊花去來無蒂湘匳醉雲淺賦恰鑪沉
一炷溫麝香裏認小鬟低屣攴慣茶瀹花瓷喚還輕
避萬縷閒愁問漾上茶蘼梢未霎憐伊印霞半臉帳綃
掛起

氏州第一

葡萄小榭學書圖先大父遺照

縛架交橫柔莖翠展纍纍馬乳初渾傍石憑欄就苔移
榻尺五湘綃誰擁撲籜秋聲愛勁葉掠風浮動滴淚蟾
分龍蛇滿紙碧痕添凍更幾本疎蕉手種儘彷彿絲

天清供午日停空珠惟不捲涼影毫邊送抵煙蘿禪味
永催烹茗啜醒幽夢墨瀋淋漓倚虬籐千行豪縱

買陂塘

湖莊視穫圖祖母林太孺人遺照

餉南村午畦晴暑杳香鎌外風細

吾鄉稻冬夏再熟一圖中所寫夏穫也

角牽蘿椽屋老押佃青裙憔悴多幽事看罷稴低垂黃
壓和涼墜田歌夕起指片雨鷗邊斜陽牛背蓑笠隔煙
翠桑陰錯分畫棚瓜陂芟奚奴閒枕鋤睡篝燈更把

先疇話堂構兒孫須記

莊爲先大父徵祖之所

門掩未恰葵扇驚

秋絡緯聲聲裏參差露積約紙閣蘆簾紡磚炭壑重納

水仙亭詞集

卷二

六

領寒意

金縷曲

寒機夜課圖祖母朱太孺人遺照

下學歸來晚問遺書拋殘案上荒嬉何嬾四尺葦簾風
雪裏坐到荒雞五轉更軋軋車聲伴縱說青燈真有
味甚孤兒叵耐垂頭倦爐袖暖卷雙展熊丸簡檢荆
釵換便諷口翻瓶如瀉短檠還戀願得芸編添一段忍
凍催成匹半兀誰奈成名纔盼藜火梅花窗屋冷抱塵
籤泣想停梭喚連被夢寸腸斷

瑞鶴仙

玉簪花

釵芽誰喚削頓十二瑤華綠雲圍拂罽風暗分撥指露
凝煙劃玉條瓊骨參參瑩白便插到烏絲膩滑怕中央
石上橫磨一夜凍痕敲折 愁洌江南清占沁映晶壺
冷秋如雪芳心未裂相思誓共冰潔想宮門腸斷返魂
香裏只有淒迷砌月奈搔頭隔帳分明玉人瘦絕

疏簾淡月

簾陰

蝦鬚界去約罨地沈沈淡煙添互玳壓欹垂暖日隔花
亭午屏鑪不放香氲度鎮颺風兩重低護楊花吹到那
邊隘額逗無尋處 靜蕩樣湘紋尺五待掃却春陰

水仙亭詞集

卷二

七

誰鞋步黃卷冥濛誤墮滿庭愁霧綠天灑罷牙簷雨泛
光風隙塵飛舞半宵月色飛來依舊碧痕留住

南歌子

七夕

屈戌銅鐸靜東丁蒜押收銀河風浪一分秋慘綠蘋桐
花外月如鉤 玉杵宵砧歇金壺夜漏幽雲斡含笑引
牽牛此夕嫦娥啼到五更頭

行調

鳳髻珊瑚墜鴉鬢玳瑁梳靈心繡得合歡襦瞞甚零星
香瓣索蜘蛛 乳果冰無核晶瓜雪作膚瓊瑤嬌小卻

人扶瞞甚零星私祝向黃姑

前調

袋脚三枚結針頭七孔穿釵鬢影裏競開筵凭說明朝
巧信在誰邊 鏡影鸞紅合橋階鵲翠填人閒聰縷幾
絲牽縈得天孫離恨度年年

前調

宿燕窺粧語流螢點鬢飛畫屏十二燭花圍坐到水精
荷露逗秋衣 豆綵纏雙盒蓮燈散九微流黃儂亦石
支機有分玉梭三日藁砧歸

水仙亭詞集

卷二

八

湘華水仙亭荷花競開

曉綃分剪露蓋圓傾又灑闌干雨鈿簫橫抱低喚起十
二霓裳飛舞六郎休比庶康樂新詩堪伍問綠雲一角
湘匳暖夢雙鴛曾度 頻年買棹吳興訪卅六坡頭瑤
珮無數碧亭東畔誤冷落紫玉嬌嬈誰主重逢鉛淚耿
粉面看儂羞語誓今番素素紅紅伴送金秋殘暑

貂裘換酒

曹曹村丈招赴湯餅會賦此爲賀

虛白堂前旭語吉祥犀錢綉錦晬盤初浴索哺啼聲驚
四座綵縷長生繫續愛頭角森森雙玉七步詩名齊阿

因問將軍慰否窮愁腹三日別刮看目 叮嚀辦藁心

香祝願酬君階庭一樹若榴添綠曹丈疇崔府君廟而生子莫肖先

生穿鐵硯好肖書倉徧讀算珍護蘭芽如粟昨夕湯筵

原草草看十年袖啖紅綾馥磨頂喜石麟忝

壺中天 隆山浮圖

振衣天近笑翠虬背上堵波閒跨蕭颯林聲秋若夢卻
被琅鐺鳴破苑柰禽殘崖花鹿剩誰上平臺坐山風催
暝戀頭吟帽重裹 還復屈指指滄桑危闌前代一瞬昆
盧坐夕氣蒼茫潮氣互浮動兩三星火斷響沈鐘虛聲
水仙亭詞集 卷二 九

送梵塔影空壇臥空玄休問海門明月飛墮

探春慢 石榴感題

絳膜分膚朱罌圻罅剝咀天漿佳味擲地珊瑚石家慣
貽六尺零星敲碎看同色櫻盤莫鸚鵡啄殘還累瑤津
脆澁甘泉祝東風種多子 漸遠金雁往事只拈起相
思豆紅還記一斛明珠露絲囊裏都變滿緘頰淚催劈
細苞破纔省識千重芳意半感茜巾絃朝雲墮秋泪

南鄉子

喚喚採芙蓉小小蘭橈欸欸通瑟瑟風裳中有路玲瓏

人面雙蕖一樣紅 鞦韆壓釵鬆日落西舡日出東折
到蓮花卽任取嬌聰摘好蓮房箇與儂

西江月

一摺鵝衾睡破曉窗暖旭晴烘寒時三九過匆忽闌否
補梅幽夢 卻把香牋寫儷新詞寄玉瓏璫烏絲行小
校硃紅呵透圓池浮凍

醉垂鞭 元日立春

促待鳳鞞裁雲屏暖雲衾嬾玉燕剪鬟來春歸如願釵
壺籤新送了屠蘇曉縷金鞦剗步獻椒纔香風盤餅

水仙亭詞集

卷二

十

開

清平樂

縠帷鈎未墮枕凝脂碎半臂夢回香細細閣被曉雲濃
膩 尺綃不放雙翹宿妝淡爲春宵又覺三分寒意二
分緘在花梢

金人捧露盤

竹西頭嵐滴翠漲按藍笑暖芳紅斂青含相逢歌酒素
裳憑捲藕絲衫銀鞭重繫有楊枝不管毵毵 絮迎帘
燕迎勒萍迎棹杏迎簪問玉人何許春酣斷香羅帕金

泥小字信誰緘烏衣去也只落梅飄滿江南

糖多合

碧水漲銀塘緋桃笑粉牆甚愁心癡寄藏香自去踏青
纜幾日又繡却合歡裳 印透鳳鞵涼眉妝額褪黃鞞
犀簪貼壓釵梁數盡鬱金堂裏豔總不似謝家娘

減字木蘭花

風簾過午悴壓牡丹慵試舞花影垂垂惟有猩猩撲蝶
癡 綠珊瑚管偷向雲箋翻秀腕小字銀鈎可巧和人
見也羞

水仙亭詞集

卷二

十一

羅敷媚

屨廊三面紗幮隔衫子銀泥裙子金泥鎮日多愁減帶
圍 重屏不礙新陰度絮重簾西花重欄西風雨明朝
燕亦迷

壽樓春

還殘鶯啼晴記無憂扇裡粧鎖雙成幾度停雲歌轉惱
愁儂聽霞豔豔花盈盈怪近來慙慙娉婷黯慧巧以
華年小玉翩弱許飛瓊 蟾霄露垂仙莖奈綃塵絳袖
絃怨青箏苦恨誰邊方響錦籠醒鷓金屈戌瑤東丁有

吹鴉窺闌相迎只飄夢蕭郎惺忪自憐孤瘦生

百字嬌

重陽後二日花柳塘看菊

鬪雪毵裝滲金鈴背羅暈滿廊依舊葛影飄斜鞦韆捺
亂風雨匆匆重九湖塘半角是著髻塵多時候怪蕭騷
一度華飈冷綃吹近傷憊 人事難開笑口還慰得
相思白衣沾酒鈿管邀歌畫屏圍燭秋色繁華禁受糕
期負矣怕再整茱萸襟袖有東籬昨夜寒英澹容添瘦
眼兒媚 書人悼遇詞後二闕

橫波一寸閣盈盈心字舊香盟綢繆密印團圍密紙若
水仙亭詞集 卷二

七

箇分明 巫峯依黯藍雲暝飄瞥董雙成酸辛兩地鶻
啼蜀蝶影陵青

前調

春潮曾事送娉婷綾臂著寒驚鯉分鯉合鵲愁鵲喜蛾
死蛾生 元霜轉有三千杵鎮杵膽鉛傾相思只看鴛
鴦雙瓦何日心平

宴清都 餽

石麪羅飛細催雙釧卸來糝揉纖指裝勻露沁匙分醇
冷籠心篩尾番番曬麥風香恰嘗到駝臍俊味配膾鹽

芳滑綿包沉吟牢九佳字 春帘半角燒爐蒸雲透暖
團雪鬆磊蔥釐寸縮垂涎說學侍郎厨製闌干那夕燈
筵問裏賭猜誰袖底漫辦誇賦繭斜桃尖紅蘸起

天香

樓

百平子同心四稜束角天中慢汲華水白踏灰其青陶
索棟初解剝珠搏起蘭湯候煮又艾餅蒲醬供裏脫莢
晨香壓餽渾漉黍黃黏刺 剛還益誰慧智裏相思籜
層開末忌節羅江遺恨莫曾生祭却怕招魂些餌更點
上湘纍舊時淚結彩雙絲年年繫底

水仙亭詞集

卷二

三

江城梅花引

鍾陵長別幾清秋鎖紅樓望紅樓又是金盃一闋鈿筇
篔大小姑山頻在眼肯吹作石尤風小住留 住留住
留住心頭簾半鉤鞦半兜凍也凍也凍不到銀海波流
明日舳艫江口送歸舟憑語青溪溪上水朝復暮莫門
前咽斷愁

疎影

臘前三日湖上梅意悄然

安排笑索料二分淡白微放幽萼歲尾相忘爛醉生涯
無聊催破雙角吹香遠泛枝南北况瘦夢羅浮新覺卻

信些瀟灑春心怕覺水邊籬落 塵土東華未淺段橋
佩解芳訊依約布襪青纏入骨清寒消息經誰商畧
孤山悅入禪蘇憶甚底處溪西亭閣算寶雲策蹇重來
不辨黃昏歸鶴

鎖窗寒

雜霰欲下短景暗西牖館深冬新醅幾盞誰與
倚玉筍翁天地玉壺句也

大地箕颺客簷一角黯天催暮瓊簾炷火人在暖鑪圍
處恁蒼茫長安路迢斷陽早逐鴉歸去信墨痕慘淡嚴
水仙亭詞集卷二 古
城西北暝雲吹洹 何許高陽侶有錯粒霏瓊逗蕤灑
戶吟肩耐粟清按碧山新譜漸温存殘年味消玉梅又
恰花半吐只明朝濁釀餅空絮沒旗亭路

憶少年

巧夕秀瓊媚雲水榭小詞

篝痕雲暝衫痕霧窄奩痕漪弄疏簾半鉤月倚藕香成
夢 角角籠綃颺暈重點紅心葢珠啼鳳酥肩較誰削
購五銖衣送

前調

雙星河淺雙屏閣淺雙妝紈淺涼螢背兜墮聽髮邊羅

扇 釧脫瓏鬆釵脫顫瞥迴眸個人嬌嬾靈心向儂逗
瞧鍼頭靈線

糖多令

驪裏碧油車裙腰著意扶下紅橋家近姑蘇若箇新來
能聘任五陵少賽金吾 屈膝鎖瓊鋪芙蓉遜雪膚索
量伊一斛明珠步障紫綾三十二教青鳥護羅敷

江城梅花引

木蘭雙漿盪紅妝擘蓮房賭蓮房莫問儂嬌生小慣南
塘宛轉白門隄畔路踏歌處有銀河隔水鄉 水鄉水

水仙亭詞集

卷二

五

鄉九迴腸菱自黃蘋自香背也背也背不却兩兩鴛鴦
爭似啼襟何許夢浮梁欲促琵琶攏舊曲煙汐裡怕愁
聲到窈娘

少年遊

餘靡一架雪霏涼不道換流光香篆簾心茶風鼎竅沉
寂晝窗長 蠻牋盼斷吟消息新夢又池塘何處愁人
半黃梅子苦雨賀家牆

月華清

題香櫞公案

妙蒂談因思芽鬪捷淨芬流印瑤札熱惱都除那羨旃

檀添蕤笑指頭勝果圓成甚鼻觀幻塵生滅彈脫信靈
根參透熟梅堪說 結社宗劉詞傑更秀語爭拈幾行
霏屑者樣華嚴未許狂翻蓮舌了悟得空色心香抵五
字木犀禪偈清絕漫蠟黃重嗅擊殘吟鉢

南浦 春水用玉田詞韻

繫纜秦娘橋雨如絲一夜蓬聲催曉鯉信泛何邊愁生
處點點蘋花潮埽新藍半鏡添來鴨嘴煙舸小淼淼吳
山青欲斷南北二分芳草 相思送出胡麻早蘇隄弓

曲油鷗阻了倩問浣紗人石磯畔可有葉紅流到晴欄

水仙亭詞集

卷二

六


縹緲天涯掠去烏衣悄又莫桃根挑菜渚痕沒舊篙都
少

長相思

掩絃箏背燈檠凍鼓寒沉送五鈺聽來錯四更 酒初
醒夢難成過樹啼烏三兩聲離人早出城

前調

渡邊舟舵邊樓信却行人半肯留南風不轉頭 望凝
眸恨凝愁西下長江淼淼流白蘋花復秋





| |
|---|
| 8 |
| 7 |
| 2 |